




# ИШОНЧ

Ўзбекистон қасаба уюшмалари Федерациясининг газетаси

35

1994 йил  
27 август  
2 сентябрь  
(177)



**Эй, маним Мустақил Республикам! Муборак айёминг қутлуғ, илоҳим бағринг бутун бўлсин!**



## Ассалом она юрт, ассалом Ватан!

ТОНГ ОТМОҚДА, БЕҒУБОР ТОНГ. Борлиқ ҳарир либосга бурканиб, олам яшариб бораётгандай. Уфқ этагида шафақ аксига йўрилган камалак мисол товланган байроқларда буғун ажиб тўлганиш, тўлқинланиш бор. Мавжудлик, тирикликка абадийлик бахш этгувчи, бежонга ҳам жон ато қилгувчи оҳанглар қайноқ қон томири мисол борлиқ узра оқаётир. Теваракни сукутга толдириб, аллалаб тавсиф-тасаввурлар селига қондириб, сирли — синоати билан маст қилаётир. Она руҳсори, она бағри янглиқ бағоят тотли-тароватли, хузур-ҳаловатли, ҳадсиз-ҳудудсиз меҳри мўътабар Ватан таваллуди боис, кўз қароси оғушидан ўзига мангу жой олган муқаддас истиқлол айёми боис ўзгача тантановорлик, шодмонлик парвоз қилаётир. Нурлар, шўълалар йўрагига бурканган кўчаю гўл, хиёбону йўлкалар, бағри кенг майдонлар байрам либосида товланар, самовий кўзлар — бесаноқ юлдузлар каби чарақлар, ёнар.

Одам боласи эса қайта тугилгандай. Таъриф тоқи осмондай кенг қувонч, ажиб ҳаяжон, ўзгача ифтихор билан боқишар атрофга. Чунки улар ўзликларини таниб, кўкракларини тоғ қилган мустақиллик эркидан баҳрамандлар буғун. Тинч-тоғувлик, бирликка эришиб, иймонга етганларидан бошлари осмон қадар сарафроз. Мустақилликда кечилган уч йилликни сарҳисоб қилиб, ҳаётлари осойишта,

сарийшта, қуёшли кунлари хушнуд ва хушбахт бўлганидан мамнун ва бахтиёрлар. Янги Қонун мажмуаси, давлат рамзи, мадҳияси қабул қилингани, миллат руҳини қайта раванқ топишига кенг йўл очилгани учун ҳам яратганга минг бора шукрлар ўқирлар. Миллий қадриятлар, миллий тил, миллий урф-одатлар қарор топиб, қалблари, шуурлари дунёча уларнинг. Шу туфайли мустақилликнинг порлоқ истиқболига, республикамиз камолига юксак ишонч туйғусига ийнигиб байрам руҳига руҳ қўшаётирлар. Кўнгилик-кўнгиликларга кенг эшик очиб, эл-улуслар аро меҳр-оқибат теран чуқур илдиз отиб, эзгу ният, эзгу тилаклар, олий мақсадлар билан шаҳдам одимлайдилар, бош узра чарақлаб турган бобоқуёш гувоҳ, шу шон-шарафли истиқлол тантаналари элик, юз йил, минг йиллар давомида бири-бирини қувлаб ўтиб, худди шу кунлардагидай кайфиятда ўтаверишини Оллоҳдан тилайдилар. Шу сабаб давр-давронимизни ифтихор ила қутлаб деймиз:

АССАЛОМ, ОНА ЮРТ, АССАЛОМ, ВАТАН! ЖАХОН ИЧРА ЖАҲОН БУЛИБ ДОВРУҒ ЕЙГАН УЛУҒ ТУВИНГ МУБОРАК, ТУВИНГГА ЯРАШГАН ҚАДДИ-ҚОМАТ, НУРАФШОНЛИК, ҚУТЛУҒ БУВИНГ МУБОРАК!

Жонрид АБДУЛЛАХОНОВ.

### БАХТИМИЗНИ КУЙЛАЙМИЗ

Гурурим ўсмоқда кенг жаҳон аро, Олам ичра бермоқда минг бир садо. Қалбимдан тошадир қувончли наво, Бахтимни баралла куйламай бўлмас. Ҳеч нурамас нурдан пойдевор

қурдим,  
Юзимни саодат тахтига бурдим,  
Эркинлик нашъасин хузурин сурдим,  
Бахтимни баралла куйламай бўлмас.

Озодлик элимнинг дил камолоти,  
Озодлик ўзбегим бахт-саодати,  
Юртим — келажакнинг буюк  
давлати,  
Бахтимни баралла куйламай бўлмас.

Эл мустақиллигини улуғ байрами,  
Тангримнинг бизларга фазли карами,  
Ҳайдарнинг умрида энг азиз дами,  
Бахтимни баралла куйламай бўлмас.

Ҳайдар МУҲАММАД.




## «Душ сўзлар»

— Юртбошимиз айтганидек, қурилиш бораётган жойда тараққиёт, ривожланиш бўлади. Зафаробод кенти, Бирлик қишлоқ кенгаши мустақиллик Байрами шарафига ўтказилган вилоят кўрик-танловида ободончилик бўйича ғолиб чиқди ва пул мукофотига сазовор бўлди. 50 километрлик кўча ва йўлакчалар, 25 километрлик ирригация тармоқлари таъмирланди. Волейбол, баскетол майдонлари қайта қурилди. «Хотира ёдгорлик хиббони ободонлаштирилди. «Пахтакор — Зафаробод» автомобиль йўлининг 1/2 километр қисми таъмирланиб, йўл икки томонлама ҳаракатга мослаштирилди. Епиқ бозор, мол бозор ҳашар йўли билан битқазилди. Чала ташлаб қўйилган универсал магазини, бош бекат, дорихона, 40 ўринли чойхона, бир лаҳзалик қаҳвахоналар қурилиши ниятисига етказилди ва ишга туширилди.

Туркия технологияси асосида 7 хил турдаги нон маҳсулотлари ишлаб чиқараётган корхона, йилга 5 миллион дона фишт берадиган завод иш бошлади.

Зафаробод қўرғонида тўқув корхонаси, Ф. Хўжаев номидаги ҳўжаликда гилам тўқиш, «Ҳамдўстлик» ижара ширкат ҳўжалигида макарон ишлаб чиқарадиган корхона иш бошлади.

Ж. ТУРДИЕВ,  
Зафаробод тумани фуқароси.



**ХАЛҚИМИЗ** Ўзбекистон Республикаси мустақиллигининг 3 йиллик тўйини нишонлаш арафасида турибди. Утган қисқа давр ичида давлатимиз халқаро майдонда жаҳон ҳамжамиятининг эътирофига сазовор бўлди. Ўзбекистон учун жаҳон дарвозалари кенг очилди.

Давлатимиз Бирлашган Миллатлар Ташкилотига аъзо бўлиб кирди, Оврўпада хавфсизлик ва ҳамкорлик кенгаши ишга кўшилди. Бирлашган Миллатлар Ташкилотининг ихтисослаштирилган муассасаларига кирди. Булар эса ўз навбатида Ўзбекистоннинг халқаро ҳамжамиятида яратувчанлик фаолияти билан шугулланиш истикболи учун қўйилган амалий қадамдир.

Истиклол шарофати тўғрисида республика касба уюшмалари ҳам мустақилликка эришдилар, юқорига карамлик, тобеликдан озод бўлдилар. Касаба уюшмаларининг ҳуқуқий мақоми ўзгарди. Сиёсий, иқтисодий ва ижтимоий соҳалардаги ҳуқуқ ва ваколатларини Мустақил Ўзбекистоннинг Конституцияси, «Касаба уюшмалари, улар фаолиятининг ҳуқуқ ва қафолатлари тўғрисида»ги қонун асосида амалга оширилмоқдалар.

Халқаро ишларни такомиллаштириш, хориждаги касба уюшмалари марказлари билан ҳамкорликни ривожлантириш фаолиятимизнинг асосий йўналишларидан биридир.

Ўзбекистон касба уюшмаларининг халқаро фаолияти меҳнатқашларнинг ижтимоий-сиёсий манфаатларини ҳимоя этиш борасидаги хорижда тўпланган тажрибаларни ўрганишга, уларни ўз фаолиятларида қўллашга, халқаро касба уюшмалари диккат марказида бўлган ижтимоий-иқтисодий, сиёсий, экологик ва бошқа долзарб муаммолар бўйича позицияни ишлаб чиқишга, турли мамлакатлар касба уюшмалари бирдамлиги учун курашга қаратилган.

Уч йил мобайнида Ўзбекистон касба уюшмалари Хитой Халқ Республикаси, Эрон, Туркия, Қурия Халқ Демократик Республикаси, Ҳиндистон, Вьетнам, Италия, Исроил, Франция, Покистон давлатларининг 22 касба уюшма марказлари билан бевосита алоқалар ўрнатди.

Ўзбекистон касба уюшмалари Федерацияси кенгаши халқаро фаолиятида Мустақил Давлатлар Ҳамдўстлиги касба уюшмалари, айниқса, Марказий Осиё давлатлари касба уюшмалари марказлари билан ҳамкорликни ривож топтиришда алоҳида ўрни тутади.

Республикамиз касба уюшмалари Марказий Осиё мамлакатлари ва Озарбайжон касба уюшмалари Марказлари Мувофиқлаштирувчи Кенгаши ишида фаол иштирок этмоқдалар. Ушбу Мувофиқлаштирувчи Кенгашининг татсиис мажлиси Тошкент шаҳрида бўлиб ўтганлигини алоҳида таъкидлаб ўтмоқ зарур.

Россия, Украина, Беларуссия касба уюшмалари марказлари билан эса ҳамкор-

лик тўғрисида икки томонлама битимлар имзоланди.

Хорижий мамлакатлар касба уюшмалари билан алоқаларни мустаҳкамлаш ишлари доимий ўзаро вакиллар, касба уюшмалари иши тўғрисида ахборотлар айирбошлаш, касба уюшмалари фаолиятларининг долзарб муаммоларига бағишланган қўшма конференциялар, семинарлар, симпозиумлар ўтказиш, касба уюшмалари ходимлари ва фаолларининг ўзаро ўқувини ташкил қилиш асосида олиб борилмоқда.

Сўнгги икки йил мобайнида амалдаги алоқалар доирасида касба уюшмалари ташкилотлари раҳбарлари ва фаоллари ўқиш, амалий тажриба алмашиш мақсади-

лари Федерацияси кенгаши раиси Х. Б. Жамолов бошчилигидаги бир гуруҳ вакилларимиз Хитой Халқ Республикасига жавоб ташрифи билан бориб келишди. Ташриф давомида 1994-1995 ўқув йили давомида Умумхитой касба уюшмалари Федерациясининг 2 нафар масъул ходимини Тошкент билимгоҳларининг бирида рус ва ўзбек тилини ўрганиш ва ўз навбатида Ўзбекистон касба уюшмалари ходимлари ва фаолларининг 7—8 кишидан иборат 10 гуруҳни Хитойдаги малака ошириш марказларида бир ҳафталик ўқувларини уюштириш борасида ҳам келишиб олинди.

Амалий алоқалар тармок касба уюшмалари доирасида ҳам ўз самарасини бермоқда. Яқинда Ўзбекистон машинасозлик

лаш, меҳнат низомларини тартибга солиш, ишга жойлаштириш тармоқларини ташкил этиш ва бошқа масалаларни ҳал этишда муҳим роль ўйнайди.

Айни пайтда Ўзбекистон касба уюшмалари Федерацияси кенгаши Меҳнат вазилиги билан ҳамкорликда меҳнат ва ижтимоий соҳаларга тааллуқли ХМТнинг бир нечта Конвенцияларини ратификациялаш учун Олий Кенгашга тавсия тайёрламоқдалар.

Шуни ҳам таъкидлаб ўтиш керакки, хорижий давлатлар касба уюшмалари фаолиятлари ҳақида ахборотлар камчилиги, шу ахборотларни маълум тамойилга солиб, таҳлил этувчи ва умумлаштирувчи техника асбобларининг етишмаслиги, касба уюшмалари ўз хорижий меҳмонларини қабул қилиб, хизмат кўрсатиш учун махсус масканларнинг йўқлиги халқаро фаолиятларни тўлиқ амалга оширишлариға имкон бермаяпти. Лекин бу кийинчиликларни бартараф қилиш борасида чора-тадбирлар амалга оширилмоқда.

Яқинда Ўзбекистон касба уюшмалари Федерацияси Кенгашининг VIII мажлиси бўлиб ўтди. Мажлисида Ўзбекистон касба уюшмалари Федерациясининг XV қурултайини чақириб муҳлати белгилаб олинди. Шунингдек, Ўзбекистон касба уюшмалари Федерациясига бирлашган касба уюшмаларининг Низоми ва Ҳаракат дастури лойиҳалари маъқулланди. Дастурда касба уюшмалари фаолиятининг барча йўналишлари қатори халқаро ҳамкорликни ривожлантириш истикболлари белгилаб қўйилган. Булар асосан халқаро касба уюшмалари бирлашмалари, касба уюшмалари Умумий Конфедерацияси, ижтимоий-иқтисодий ва инсонпарварлик масалалари билан шугулланувчи ихтисослашган муассаса ва ташкилотлар, биринчи навбатда ХМТ билан ҳамкорликни мустаҳкамлашга, меҳнатқашларнинг ижтимоий-иқтисодий манфаатларини ҳимоя қилиш соҳасида хорижий мамлакатлар касба уюшмалари марказлари билан биргаликда ҳаракатлар самарадорлигини ошириш, ўзаро тажриба алмашиш ва уни амалда қўлланишга, қўшма корхоналарда ишлаётган меҳнатқашларнинг меҳнати ва дам олишлари учун бошқа мамлакатлар касба уюшмалари марказлари билан биргаликда зарур шарт-шароитлар яратишга, халқаро сайёҳлик, спорт ва маданий алоқаларни ривожлантириш бўйича кўмаклашишга қаратилган вазибалардир.

Ўзбекистон касба уюшмалари Федерацияси кенгаши хорижий касба уюшмалари марказлари билан ҳамкорликни янада ривожлантириш ҳамда Ўзбекистон касба уюшмаларини халқаро касба уюшмалари ҳаракатида муносиб ўрнини таъминлаш учун бор имкониятларини ишга солади.

Зиор ҚОДИРОВ,  
Ўзбекистон касба уюшмалари Федерацияси кенгаши раисининг ўринбосари.

## МАМЛАКАТИМИЗ ЖАҲОНГА ЮЗ ТУТМОҚДА



да турли мамлакатларга бориб келдилар. «Турк-металл», «Хабар-Иш», «ТЭС-Иш», «Ластик-Иш», «Петрол-Иш» касба уюшмалари таклифларига биноан республикамиз металлургия sanoati, алоқа, энергетика, кимё sanoati ходимлари касба уюшмаларининг 8—10 кишидан иборат гуруҳларга бўлиниб, Туркияга бориб, малакаларини ошириб қайтидилар.

Сўнгги йиллар кўшни икки буюк давлат — Хитой ва Ҳиндистон касба уюшмалари марказлари билан дўстлик алоқалари ва ҳамкорлик муносабатлари янада ўз ривожини топди. Шу йилнинг март ойида Ўзбекистон касба уюшмалари Федерацияси кенгаши вакиллари Ҳиндистон касба уюшмалари Марказий ҳамда Умумхиндистон касба уюшмалари Конгрессининг таклифларига мувофиқ ҳар иккала касба уюшмалари қурултойларида катнашди.

Ташриф чоғида Ўзбекистон Республикасининг Ҳиндистондаги элчихонаси ва Ҳиндистон тadbиркорлари гуруҳи билан келишиб, 1994 йилнинг сентябрь ойида Ўзбекистон Республикаси мустақиллигининг 3 йиллиги байрами муносабати билан Ҳиндистоннинг Дехли, Агра ва Бомбей шаҳарларида касба уюшмаларининг Тошкент маданият маркази концерт дастурларини намойиш қилиш бўйича келишиб олинди. Хозирги кунда эса Ҳиндистонга концерт гуруҳини юбориш тайёрларлиги кўрилмоқда.

Май ойида Ўзбекистон касба уюшма-

sanoati ходимлари касба уюшмаси Марказий Кўмитаси вакиллари Қурия Республикасининг Контенентал хайрия жамғармаси таклифига биноан шу давлатга ташрифи чоғида Қосина шаҳри тиббиёт марказлари томонидан Тошкент шаҳрида Хайрия тadbирлари ўтказилишини келишиб қайтган эди ва шу тadbирлар Қосина тиббиёт марказининг 75 шифокори томонидан 1994 йил август ойида Тошкент шаҳрида ўтказилди.

Бугунги кунда республикамиз касба уюшмалари жаҳон касба уюшмалари ҳаракатида муносиб ўрин эгалламоқда. Ўзбекистон касба уюшмалари Федерацияси кенгаши Касаба уюшмалар Умумий Конфедерациясининг аъзосидир. Бундан ташқари Умумжаҳон касба уюшмалари Федерацияси билан ҳам мустаҳкам алоқалар ўрнатган.

Маълумки, 1992 йилдан бери Ўзбекистон Республикаси Бирлашган Миллатлар Ташкилотининг ихтисослаштирилган муассасаларидан бири — Халқаро Меҳнат Ташкилоти (ХМТ)нинг аъзоси. Мана шу 2 йил мобайнида касба уюшмаларимиз делегациялари ХМТнинг Бош Конфедерациялари сессияларида доимо иштирок этиб келмоқда.



Ўзбекистон касба уюшмаларининг ХМТ билан ҳамкорлиги Ўзбекистон Меҳнат қонунчилигини такомиллаштириш, меҳнатқашларни ижтимоий ҳимоялашни яхшилаш, айниқса, аҳолини иш билан таъмин-












## ЁШ АВЛОДГА ҒАМХЎРЛИК



### 2 СЕНТЯБРДА ЯНГИ ЎҚУВ ЙИЛИ БОШLANАДИ

Мана мактаб ўқувчилари ўзларининг янги ўқув йилига ҳам етиб келишди. Уларнинг ёзи дами олиш мавсуми якунланди. Ҳар бир ота-она фарзандининг ўқув йилига яхши ҳордиқ чиқариб кайтишини истайди. Лекин бунга доим имконият бўлмастлиги мумкин.

Маълумки, Ўзбекистон Фанлар Академиясида 70 га яқин илмий-тадқиқот институтлари, муассасалар мавжуд. Академия Президенти ва касоба уюшмалари республика кўмитаси нафақат ўз ходимларининг, балки, уларнинг фарзандларига ҳам ғамхўрлик қилишни эътибордан четда қолдиргани йўқ. Ҳар йилгидек ўзларига қарашли «Нихол» болалар соғломлаштириш оромгоҳини ёзи таътил мавсумига тайёрлаш кўпчиликини хушнуд этди.

Бу йил ҳам оромгоҳда яхши анбана, тартибни сақлаш бўйича бир қанча аризулик ишлар амалга оширилди.

Таътилни босқинда экологик жиҳатдан кийин муҳитда яшаётган Қорақалпоғистонлик болалар ҳам ташриф буюрди. Уларнинг юзидаги мамунликни кўриб, келгусида ҳам бу ташаббусни давом эттиришни дилга тугиб қўйдик.

Эндокринология илмий-тадқиқот институти раҳбариятининг куйидаги сайи-ҳаракати борасида сўз юритмай иложи йўқ. Гап шундаки, бу йил «Нихол» қошида махсус павильон очилиб, унда қандли диабет билан оғриган болалар ҳам дам олишди. Уларнинг ўз тенгдошлари даврасида ҳордиқ чиқариб, саломатликларини тиклашлари дилларга каттарухий мадад бағишлайди. Амалга оширилатган бундай ишлар ҳукуматимизнинг «Соғлом авлод учун» тўғрисидаги қарорига ҳамоҳанг бўлиб, давлатимиз

сиёсатини қўллаб-қувватлайди. Биз бошқа оромгоҳларда ҳам шундай тадбирлар амалга оширилишини истаймиз.

Ўзбекистон, хусусан Тошкент дўстлик, тинчлик шаҳри бўлиб келган. Афғонистонлик бир гуруҳ етим болаларнинг оромгоҳимизга келиб дам олгани бунинг исботидир. Улар саломатликларини тиклаш баробарида оромгоҳда ўтказилган турли тадбирларда фаол иштирок этиб, анча дўст-биродар орттирдилар.

Оромгоҳда ҳар йилгидек турли мавзуда конкурслар, концерт, спорт мусобақалари ўтказилди. Фолиблар совғалар билан тақдирланишдан ташқари музейларга, Ботаника боғига бориб, томоша қилдилар. Тошкентдаги кўғир-чок театр жамоаси ажойиб сахна томошалари кўрсатишди. «Ешлик» кино-театр ходимлари болалар учун кунора кизикарли фильмлар намойиш этиб турди.

Ҳамза тумани соғлиқни сақлаш бўлими ходими жон педиатр Ш. Рихсиева эса кунига икки бор болаларни тиббий кўрикдан ўтказиб, улар саломатлигини кузатиб туришди. Биз буларни бежиз кайд этиб ўтмаймиз. Болалар мазмунли ва яхши дам олишлари учун бир неча ташкилот, муассаса ходимлари биргаликда хизмат кўрсатишди. Ҳар босқич якунида болалар, ота-оналар юзидаги хушнудликни кўриб, бу ҳатти-ҳаракатимиз, уринишимиз натижадан эканлигидан бениҳоя фахрландик.

«Соғлом таида — соғ ақл» дейдилар. Бундай мазмунли ҳордиқ болаларнинг янги ўқув йилини мазмунли бошлаш ва янада чуқурроқ билим олишлари учун замин яратди, деб ишонамиз.

Рустам ЕРЛАҚБОВ,  
Ўзбекистон Фанлар Академияси  
«Фан» нашриёти ходими.

## Душ сўзларимиз

— Мустақилликнинг дастлабки меваси сифатида қурилган иншоотлардан бири 100 минг аҳолига хизмат қилувчи деҳқон бозори бўлди. Ҳозир бу бозорга вилоят туманларидан, Гулистон, Янгийер шаҳарларидан одамлар савдо қилишга келишмоқда. Миллий усулда қурилган икки чойхона кексаларнинг ҳақиқий ҳордиқ чиқариш масканига айланган. Яқинда 250 ўринли шифона ва автостанция қурилиб, фойдаланишга топширилди. Йўллар таъмирланди. Ободончиликка эътибор кучайтирилиб, кўчалар тартибга келтирилди.

Уч минг квадрат метр ҳажмдаги уй-жой қурилишини тезлатиш, бултур ишга тушган 10 миллион дона шартли банка консерва ишлаб чиқарувчи корхона қувватини ошириш, «Ударник» ширкат бирлашмасида қолбаса заводи қурилишини, 70 га яқин деҳқон-фермер хўжаликлари етиштираётган сутни қайта ишловчи завод, «Бахт уйи» қурилишларини тезлаштириш чоралари кўриляпти.

А. САРСЕНОВ, Зарбдор тумани ҳокими ўринбосари:

## ПОЙТАХТ АҲЛИГА НОЗ-НЕЪМАТ

Задарё тумани тупрогининг саҳийлиги, ноз-неъматларининг ширинлигида тенгсизлиги азалдан маълум. Жазирама чўл куёши, Марказий Фарғонага хос об-ҳаво меваю сабзавот ва қовун-тарвузларга ўзгача таъм бағишлайди. Бинобарин туман матлуботчилари шу йилдан яна бир савобли ишга қўл урдилар. Ўз меҳнатлари маҳсулидан пойтахт Тошкент аҳолисини ҳам баҳраманд этишга киришиб қовуну тарвуз, мева-ю сабзавот юкланган автомашиналар карвони жонажон пойтахт сари йўл олмақда.

ИҚТИСОДИЙ юксалишни кўзлаган ҳар бир давлат, шубҳасиз, илм-фанга таянади. Президентимиз ўтказиб келаётган доно сиёсат ана шу заминга қурилган эътиборга лойиқдир. Халқ зиёлиларига кўрсатилаётган эътибор ва ғамхўрлик уларнинг кучига-куч, гайратига гайрат кўшмоқда.

Институтимиз мустақиллик даврида кенг тармоқли университетга айлантирилди. Қобилиятли талабалардан 23 нафари Туркияга ўқиш учун юборилди. Улардан умидимиз катта. Чет эллик ҳамкасбларимиз билан илмий алоқаларни ривожлантираёلمиз. Чунончи, АҚШ, Япония, Франция, Россия, Украина олимлари билан яқин ҳамкорлик ўрнатилган.

Ўзимга келсак, яқинда Ўзбекистон Фанлар Академияси муҳбир аъзолигига сайландим. Бу ҳаётимдаги энг қувончли воқеадир. Ҳар жиҳатдан етук, комил инсонларни тарбиялаш учун қўлни қўлга бериб меҳнат қилишимиз лозим. Юрт тақдирини, ватанпарварлик туйғусини шунга ундайди.

Комил МУҚИМОВ,  
Бухоро Давлат университети ректори, профессор.

МУАССИС:  
ЎЗБЕКИСТОН  
КАСАБА УЮШМАЛАРИ  
ФЕДЕРАЦИЯСИ  
КЕНГАШИ

Бош муҳаррир ўринбосари  
Акmal АҚРОМОВ

ТАҲРИР ҲАЙЪАТИ:

Рустам АБДУРАЗЗОҚОВ,  
Абдуманноп АЛИМБОЕВ,  
Дилбар ЖАҲОНГИРОВА,  
Тургунбой МАДИЁРОВ,  
Тургун НАЗАРОВ (масъул котиб),  
Маҳаммаджон ОТАҚУЛОВ,  
Мухайе ТўЛАГАНОВА,  
Раъно УБАЙДУЛЛАЕВА,  
Баҳодир УМУРЗОҚОВ,  
Тўлкин ҚОЗОҚБОВ  
(бош муҳаррир).



• Бош муҳаррир қабулхонаси — 56-25-36  
• Бош муҳаррир муовини — 56-52-89  
• Масъул котиб 56-52-78

БЎЛИМЛАР

• Касаба уюшмалари ва муҳбирлар билан ишлаш — 56-82-79  
• Социал адолат, иқтисодий ҳаёт, маданият, маънавият ва хатлар — 56-87-78, 56-87-63  
• Ишлаб чиқариш ва хўжалик — 56-85-43

• ВИЛОЯТЛАРДАГИ  
МУҲБИРЛАРИМИЗНИНГ  
ТЕЛЕФОНЛАРИ:

Андижонда — 5-23-10  
Бухорода — 3-50-10  
Гулистонда — 2-24-98  
Жиззахда — 2-31-41  
Навоийда — 3-52-99  
Наманганда — 6-22-10  
Нукусда — 2-44-46  
Самарқандда — 35-64-22  
Термизда — 2-70-07  
Тошкентда — 56-82-79  
Фарғонада — 4-28-29  
Урганчида — 6-03-40  
Қаршида — 5-33-71

• Муҳарририятга келган қўлезмалар (2 ораликда 5 бетдан ошмаслиги лозим) ва суратлар муаллифларга қайтарилмайди, фойдаланилмаган хатларга жавоб юборилмайди. Тахририят воситачилик қилмайди. Мақола-лардаги ҳамда реклама ва эълонлардаги фикр-мулоҳазалар, келтирилган факт ва рақамлар масъулияти муаллифлар ҳамда реклама ва эълон берувчилар зиммасидадир.

• Газета 1991 йил 21 мартдан чиқа бошлаган.



• СОТУВДА эркин нарҳда.  
• Шанба кунлари чиқади.  
• Босишга топшириш вақти — 19.00. Топширилди — 19.00

• Набатчи масъуллар:  
Тургун НАЗАРОВ  
Жонрид АБДУЛЛАХОНОВ.

• МАНЗИЛИМИЗ:

700165, Тошкент шаҳри,  
«Правда Востока» кўчаси, 24-уй.  
• 69384 нусхада босилди.  
• Нашр кўрсаткичи: 64560; 64561.

• Газетага 1994 йил 14 январда Ўзбекистон Матбуот Давлат кўмитаси томонидан 5 рақамли гувоҳнома берилган.

• Офсет усулида босилди. Формати А-3, ҳажми 2 босма табок.

• «Шарқ» нашриёт-матбаа концерни. Корхона манзили. «Буюк Турон» кўчаси, 41-уй. • Буюртма Г-1013.  
1 2 3 4 5 6

## Наврӯзнома



Азиз Мухторова Мамлакат  
Ражаб қизи!  
Қутлуғ 50 ёшингиз мубо-  
рак!

Дилдаги орзуларингиз  
ушалиб, соғлиқ доим Сизга  
ёр бўлсин. Фарзандларингиз  
роҳатини кўриб, умр айдо-  
шингиз билан бахтиёр яшанг,  
деб:

Оила аъзоларингиз: Тош-  
кент шаҳар, Юнусобод тум-  
анининг 18-мавзеси, 25-уй.